

新古文辭類纂稿本

新古文辭類纂卷二十六 傳狀類一

諸暨蔣瑞藻纂集

薛叔耘馬貞女傳

同治壬申夏五月十六日。金匱縣民馬廷燦之女。以守貞不污。被殺于其舅氏子范金。縣令張君佑璧詣驗得實。乃命善為殯。飲躬自拜奠。觀者亡不嘆息隕涕者。既定。謝如律。遂以達于行省大吏。而為貞女請旌于朝。于是縣中交口述馬貞女事。馬貞女之節著于近遠云。初貞女之母范氏早卒。其父廷燦貧而愿。恒居市廛。女依其從母施媼。事之如母。年十八。字邑文煒。嫁有日矣。舅子范金素无行。每往來施氏。介施媼遺女服飾。女立毀之。无完者。金為氣沮。久之。金父有疾。施媼往問之。欲与女偕。女辭不往。媼詎以危語。乃勉从之。夜常不解衣而寢。每登閣必捐。

其階已而金果扳緣狙伏。徑前劫女。奮身抵拒。且呼。金以衾蒙其口。悶遂絕。明日。范氏使赴于廷燦。且誣以蜚語。廷燦果怒。不往視。乃亟飲而殯之。厚賄漆工。戒勿啼。漆工奉而假寐。忽見貞女被髮立于前。既歸。復見之。出以告人。會金之從弟范慶。醉而罵金。具泄其事。眾乃大譁。廷燦偕包氏首于縣。時金已逸出。門三日。惘々无所之。歸坐縣署。看之茶樓。自訴其事。吏役异而詰之。忽作女子音曰。我死甚苦。遂執之一訊。即服。復執訊施媼。媼自縊。金父亦已竺聞之。亦死。貞女死凡十日。而其冤大雪。明年。范金伏法于蘇州。葬貞女錫山之麓。表其上曰。馬貞女之墓。

薛叔耘道銜奉天府治中蔣君家傳

君諱大鏞。字味。號九山。無錫蔣氏。以道光甲辰進士。官直隸知縣。垂十餘年。所至得民和。攷治行尤異。咸豐初年。粵寇起。大

兵絡繹南下。君自知雄縣調赴糧台。未至。大府以汶河漫溢。侵官道。檄遂治之。修隄建橋。驛路遂通。師行無滯。粵寇北犯。調知通州。益起京東團練。張聲執賊。亦不至。上嘉其能。嘗召諭大臣。近畿防務。宜法通州。累遷西路同知。順天府治中。積勞以知府用。加道銜。會同列有恙之者。陰屬御史撫款劾君。按諗不寔。而繼之者効益力。君坐罷職。已而自悼曰。吾為清白吏二十年。今言路恣為謾污。我以甚。且官可去。名不可黜。于是援例赴都。營院剖詳。朝廷命大臣廉得實。遂君官。並議元諡。大臣罰奉。選奉天府治中。奉天陪都也。官多奉尤儉。率印贍州縣吏。州縣地曠。賄困於積耗。皆浚民侵公。以償所費。又與旗員錯治。政令歧出。其下緣為奸利。上官力不能禁。滋相容隱。貨賂公行。吏道益刑不肅。君獨皦然自振厲。上官諷以稍去厓岸。毋自苦。君正色謝。

不敏。頃之。訟聲翕然。近遠交傳。蔣君清官也。旋隨大臣勘事。吉林先是。吉林將軍等私以庫金寄市。權子母。事頗賄。大臣馳至。即開庫。君請勿發。封驗。戒俟三日。後詳聞。大臣尤之。曰。不發封焉。知不受詔邪。君曰。某固知受詔也。今其金多在市。倉卒窮治之。則將窮以下輩皆死。而金不復還庫矣。賞期三日。庫金數十萬可盡歸也。越三日。復開庫。果如君言。大臣以是服君。知畧奏聞。將窮以下得減罪遣戍。然皆感君甚。頻行集金數萬為贖。君峻卻之。曰。吾為國家保巨帑也。敢有私哉。復隨大臣赴朝鮮。會議邊界。設詞辨答不窮。俾朝鮮讓甌脫地博六十里。縣二千里。其后方展邊牆未竟。以同治八年十二月卒官。君內行純。竺事上馭下。与待交游。一以謹恕。遇誼所宜執。則廩然不可干。卒用亢直不諧于時。宦久不達。以終。然以君所樹立。視世之聞。

草輟媚以躡羶貴。而嗚施闌如者。其得喪何如也。君寀之孰矣。所著有詩文集若干。馬藏于家。子汝修。直隸候補知州。汝憫。候選府經歷。汝傳。兵部車駕司郎中。汝倫。早卒。

薛福成曰。余聞前盛京將。勳滿洲都興阿公。有古名臣風。勳滿天下。而操行廉介不苟。其歿也。几無以為飲。方將君為治中時。公嘗謂曰。此間不耆財者。唯吾與子二人。烏虜公其有激而云然邪。然以蔣君之賢。處此。猶持圓鑿入方枘也。君之所有。百不一施。宜哉。今聞朝廷力顧陪都根本。地且懲舊法末流之弊。議所以更張之道甚具。而君不及少待。以有所為也。悲夫。

薛叔耘處士崔君家傳

咸豐之世。粵賊居金陵。土寇蠭起劫敗。宜興荆溪縣當賊衝。多峻山巨谷。溫台諸郡流民屯壑其中。尤貧亡籍者。塞間出沒助。

寇作。嗙執縣令。患之。謀請兵大府。盡逐客民。既成議矣。處士崔君鄉居。聞之。驚曰。是以一羞甚百良也。彼雖非土著。皆客此數世。姑澹力作。為子孫計良苦。一旦奪其田宅。此不敵之歸賊。即逋嘯為盜耳。與其兩弟謁縣令。力尼之。且請行保甲法。俾客民自警其奇袤者。縣遂无事。薛福成曰。自古患端起于至散。知之者隱忍不言。其禍卒至一發不可遏。今吉林長白山金匪。江西封禁山教。鄙始皆設厲禁。空其地。弗戢。然愚眚趨利。禁之不能絕也。不能禁而用虛文為治。其地其民。且委諸法令之外。蘊奸藪慝。為患滋巨。知者慮患之未然。一切以厚民為本。而禁惡之法。陰行于其中。此與民同利之術也。崔君可謂勇言大計者哉。君性樂易。果于行善。與人交。不立畦畛。然常面折人過。鄉里倚勢侮弱者。必力抗之。其尤卑賤者。益右之。精鑿術。時出神奇以

濟病者。值歲水旱。設廠振飢民。未嘗不以身唱。勞瘁事亡所辟。
居濱湖。口有蘭山。迤出水際里許。行舟觸伏石。立輒昏夜。尤
險絕。君謀諸里鄰。築樓樹鐙其顛。山下有小港。二角庸分濬。俾
辟風者。議之。港純石為底。工多。至粥私田以償費。自是傍山行
舟者。亡沈溺患。咸豐十年。賊陷縣城。縱兵掠四境。君投水不死。
因辟警遠徙。息憤發病。歸。彖。年六十一。子徵。彖。與福成同年。
友善。福成每以問崔氏先德。于是嘆荆溪風俗之近古。與君好
善之竺也。君諱書冕。字芝青。荆溪縣歲貢生。弟書黼。書黻。皆以
文行著。前後舉于鄉。兄弟三人。自為師友。鄉人敬信。縣有大事。
必會議。可不可。斬便民而已。雖與縣令意相左。不為撓。令亦无
以易之也。至今縣人。稱其鄉族之公廉。能任事者。必曰崔氏云。
薛叔耘贈資政大夫前兵部侍郎廣西巡撫壯節鄒公行狀

曾祖熙臣國子監生皇贈中憲大夫江西督糧道

祖士起縣學生皇贈資政大夫廣西巡撫

父麟書乾隆三十六年舉人淮安府學教授皇贈資政大夫

廣西巡撫

公諱鳴鶴字鍾泉號松友其先由泉唐徙武進復徙無錫世居
賓雁里嘉慶二十一年舉于鄉二十五年會試中式越二年殿
試以知縣發河南歷知新鄭羅山光山祥符縣事所之勸積穀
興水利課稅植建誼塚未几民譽翕然政聲上聞連獲鄰竟劇
盜送部引見以知州用擢蘭儀廳同知究心河防凡鳩材慮工
畚築宣洩之宜无不精大府依如又手課績常取魚權衛輝
陳州開封府事三護開歸陳許道天子數優詔嘉勞旋開蘭儀
同知缺以知府候補公為人忠果任事苟職所當舉與民生庥

咸所系。毅然以身先之。嫌疑禍福。无少顧望。臨危蹈難。象奮奇績。亦卒以此取疾于世。道光二十一年夏六月戊戌。河決祥符之張灣。冒隄頂而入。破護城大隄。己亥。至開封城下。居民呼呼。奔徙。咸謂非鄒公不能活我。巡撫牛公鑑亟檄公權開封府事。以民望也。開封城在河隄下。久不治。益墮。大溜洶。殷。激蕩。震奔自南門而東而南而北。環城四齧。天大雨。平地水深二丈。去堞不盈咫。公以謂自古治水之法。詳於隄御而略于城守。今河薄城下。當以守隄法守城。乃明賞罰。同甘苦。審地執。請于大府。徵財与粟于下縣。檄召南北岸守河兵吏。欽其材入城。視水所鄉。積土為官。或縛薪偃木以殺水勢。尤當衝者。墮專為壩。絕磐石壓之。城有闕。培之。有竇塞之。民之溺者。沾者。寒且飢者。拊之。濟之。煦而哺之。守城八十餘日。城崩于水者。積六百餘丈。輒

復繕完而崩不止。材益殫。執益危。衆兇慝將潰矣。公居牛公率僚屬拜且禱。願隕身拯民。詞旨甚哀。繼以痛哭。水為卻退。翁趨公益。擇御之百方。每至知力。泣窮。亦時有天幸。常轉危為安。其後水執稍衰。防守復百餘日。而決口合。龍方事之急也。天子授公知開封府。出重臣。携帑金數百萬塞河。又發振拊金數百萬。水既退。議遽行。台省于洛陽。公力止之。選廉能吏分勸罷邑士民。蠲財紓患。未數月。集貲二百餘萬緡。乃修崇墉。翼然更新。濬城濠。築砲台。開渠達惠濟舊河。以漂積潦。復護城大隄七十餘里。城中百廢具舉。悉規舊制。是役也。公以素習河事。為上下所推服。所請於大府。亡不從。卒扞大患。而河南士民思公如再造焉。二十三年。河決中牟。公以疏防散職。留工效力。旋丁生母。息而中牟大工告竣。得旨以道員用。服除。江西督糧道。文宗憲

皇帝即位。詔求賢才。內外大臣交章荐公可大用。擢順天府尹。俄而羣盜洪秀全等橫于廣西。上命大學士賽尚阿公為經略。督兵往剿。起授公廣西巡撫。咸豐元年夏五月。公馳抵桂林。疏陳粵中積弊。致盜賊從衡狀。非改以歲月。不能疏決而廓清之。又言。初行團練。稽核糧台。事繇巨。請調左江道嚴正基等自輔。許之。二年二月戊戌。賊自永安州突出。經略使諸將追之。遇伏。亡總兵官四人。賊北趨桂林。執張甚。提督向忠武公榮聞警。帥師由間道疾馳三百里。先一日入城。公亦先期它守具。呼召鄉團。分布要隘。部署文武官紳。分門分地而守。北抵甘棠渡。以通餉道。庚戌。賊至城下。連日攻城。公以向公老將。知賊虛寔。凡戰守事。悉以咨之。向公亦傾心為公謀。相得懽甚。皆露宿城上。督帥將士。捕奸民內應者。斬之。偵城外空房被賊居者。火之。賊

豎雲梯傳城。縱燎飛石摧之。又以東面對河上關。得形勢。遣將移營據之。呂瞰賊巢。賊以呂公車宵突我城。公命擊以大砲。火箭木石齊發。盡焚其車。中賊皆燬焉。當時。援兵數道集城外。諸將故等夷。不相統攝。經畧大軍在易朔。隔賊不能晉。公曰。賊勢方強。城之存亡。決于呼吸。指揮諸將。經畧之責。今經畧聲息不相達。勅令紛歧。此危道也。乃具疏自請總統。援勅。韋令者以軍法論。召諸將示以疏稿。諸將皆受命惟謹。經畧聞之。頗不懌。公分道諸將。搗古牛山等處賊巢。連戰皆捷。賊乘間來襲。皆敗去。圍城三十三日。竟不能竊公方略。夏四月辛巳朔。賊并營夜遁。向公赴援桂林也。經畧初不知。及聞賊將退。急檄向公追賊。而是時謀者皆言賊將出。我不意。遂攻桂林。粵民一日數驚。咸願留向公。向公亦病不能行。公迺遣諸將分衛追賊。經畧聞

之。滋不懌。會賊北攻全州。將入湖南。竟時議頗責經略不能遏賊。經略乃連疏劾公。稽留勁兵。閉城自守。不能出師躡賊。助聲援。公遂落職歸。而全州陷。賊益強。不可復制。經略亦獲譴去矣。是年冬。賊陷武昌。兩江總督陸公建瀛奏請起公。籌辦緣江防堵事宜。公力疾之。金陵陸公已赴九江。公與將勳忠勇公祥厚。布政使祈公宿藻等。籌守備甚具。公于是三守危城矣。明年正月。九江兵潰。陸公退入金陵。賊驅脇益眾。舳艫十萬。中江而下。公日夜憂勞。病益劇。陸公謂公无守土責。將奏令還家。戮疾公。怒曰。吾豈臨難苟免者哉。拂衣起。賊攻城十日。公知事不可為。賊絕命詞二章。聞儀朋門陷。帥鄉兵馳至三山街。與賊遇。从者皆散。賊刃之。公大罵。格傷二賊以死。賊殘其尸。時咸豐三年二月己酉也。嘗煉六十有一。公生有至性。少孤。事母至孝。父資

政公易簀時。貧亡以葬。遺命俟子成立。后營葬。乃刻苦鄉李。環
宵旦不輟。既成進士。始卜吉營窆。初釋褐時。即哀集古今循
吏事跡。所夕玩覽。故公于治民治河最精。尤喜傳述儒先之書。
所至必訪其賢士。折節下交。表章先誥。不遺餘力。當世名公卿
如王文憲公鼎。林文忠公則徐。栗恭勤公毓。美皆一見傾倒。待
為國士。然公自負其能。見世之陋庸闇草不事者。无貴賤。一
以氣陵之。不為礼。世亦以此望之。其在鄉居官所規画。以憲士
民者甚衆。茲不著。著其大者。所著有世忠堂詩古文集。撫粵奏
議。桂林守城日記。道齊正軌。共若干焉。藏于家。妣華氏鮑氏方
氏生母李氏。皆贈封夫人。妃蔡氏夫人。子四。覲揚。浙江温州府
同知。覲儀。候選通判。覲辰。國子監生。覲皋。刑部額外郎中。女子
六。皆適士族。孫若干人。曾孫若干人。公既殉節之明年。大吏奏

聞。詔贈道銜。賜卹如例。同治七年。大學士總督兩江曾文正公疏請以巡撫例優恤。並予諡。報可。御史朱鎮撫浮言詆公。詔收前旨。翰林院編修朱福基等赴都察院白其誣。詔下兩江總督廉得實。左遷鎮主事。仍賜卹如例。予諡壯節。賞騎都尉。妣雲騎尉世職。公死事逾二十年。議諡立傳已久。然竊觀史館甄采論旨奏疏。雖備而公平生志節。與歷官事寔。或闕而未詳。謹論次如右。以副史氏之采擇焉。謹狀。

薛叔耘先妣事略

先妣太夫人姓顧氏。考諱鈞。國子監生。貤贈資政大夫。先世自元明以來。居無錫為望族。先妣生五歲而孤。依母侯夫人作苦茹澹。衣食僅自給。親鄰中有以飢寒告者。先妣痛自節。啗稍周其衣食。有不繼。恆如飢寒之在身者。長老嘆異。以其仁慈之性。

不可及也。年十八歸我先考府君。凡生六男一女。其詳見于伯兄福辰所述先府君行狀。先妣逮事大父母。是時府君授徒教親家貧。先妣裁兄緝鹽。左以女紅具甘旨。必腆府君几。自忘其艱。大父母亦以是忘府君之艱也。大父母性方嚴。或時不懌。家人悚息。先妣善承大父母意旨。輒能轉怒為怡。諸姑娣姒咸自謂弗如也。府君既舉于鄉。汜成進士。恒橐畢游四方。先妣主持家政。自昏嫁賓祭。以至延師課子。區處井然有程度。从兄有早失父母者。拊之如子。从兄亦依先妣如母。凡三鄰貧乏者。孤寡癯廢者。洎昏喪力不能自舉者。輒奉飲卹之。府君每自外歸。問家事。輒喜曰。雖吾在家。不是過也。先妣于福成兄弟。未嘗加以疾言過色。然教誡不少。每歸自塾中。必親理其餘課。寒暑風雨之夕。一燈熒然。誦聲至夜分乃罷。暇輒為言某能讀書。身富